



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

**Parisiis, 1644**

Leges Ecclesiasticae Edovardi Senioris Regis Angliae, & Guthurni regis Danorum in Eastanglia, &c. ab Aluredo Magno & Guthurno regibus primum conditae, & nunc denuo ab Edouardo filio eiusdem Aluredi & ...

**urn:nbn:de:hbz:466:1-15967**

ANNO  
CHRISTI  
905.  
vel 906.

LEGES ECCLESIASTICÆ

EDOVARDI SENIORIS REGIS ANGLIÆ,  
& Guthurni regis Danorum in Eastanglia, &c. ab  
Aluredo Magno & Guthurno regibus primum con-  
ditæ, & nunc denuo ab Edouardo filio eiusdem Alure-  
di & Guthurno fœdus ineuntibus, Intingfordæ vt vide-  
tur, confirmatæ.

TITVLI LEGVM ECCLESIASTICARVM.

- |   |   |
|---|---|
| I. De pace ecclesia.  | VII. De iis qui die dominico sua<br>negotia agunt.        |
| II. De apostatis.   | VIII. De ieiuniis.  |
| III. De correctione ordinatorum,<br>id est, sacris initiatorum. | IX. De iureiurando & ordalio.                             |
| IV. De incestu.   | X. De membro truncato post ter-<br>tium diem subueniendo. |
| V. De rei capitalis damnato con-<br>fessorem desiderante.       | XI. De sagis, ariolantibus, peie-<br>rantibus, &c.        |
| VI. De decimis & censu ecclesia de-<br>tentis.                  | XII. De iis qui sacris initiantur,<br>& de peregrinis.    |

Proœmium.

**H**ÆC ea sunt senatusconsulta ac instituta, quæ pri-  
mo Aluredu & Guthurnus reges, deinde Edouar-  
dus & Guthurnus reges, illis ipsis temporibus tulere, cum  
paci fœdus Daci & Angli ferierunt, ac sese mutuo am-  
plexi sunt, quæque postea a sapientibus recitata sæpius,  
atque ad communem regni vtilitatem aucta, atque am-  
plificata sunt.

Ante omnia, Deum vnum spreto omni ac repudiato  
cultu barbaro, auguste sancteque venerandum proposue-  
runt; tum leges humanas (propterea quod pro explorato  
haberent nolle sine his quamplurimos aut in officio conti-  
neri suo, aut ecclesiasticæ morem gerere disciplinæ) con-  
scribendas curarunt, easque Christo cum rege commu-  
nes promulgarunt, his vt eorum coerceretur temeritas,  
qui episcopi imperata obire noluerint.

LEGES ECCLESIASTICÆ.

I.

Hoc igitur primo decreuerunt, vt ecclesiæ pax intra  
Concil. Tom. 24. XXXX

XXXX

suos parietes, eaque, quæ est manu regis tradita, tranquillitas, pie, inuiolateque feruentur.

## II.

Porro autem si quis Christianam fidem exuerit, adeoque dictis, aut factis cultum promouerit barbarum, capitis æstimatione, mulcta, aut ipsa legis violatæ pœna, prout ipsa feret facti ratio, culpa pensator.

## III.

Si quis sacris initiatus clepserit, dimicarit, peierarit, aut fornicatus fuerit, capitis æstimatione, mulcta, aut legis violatæ pœna, pro ipsa delicti ratione compensato: Deo saltem, prout se regulæ habuerint ecclesiasticæ, faciat satis, atque in custodiam, ni fideiussores admouerit, coniicitor. Sacerdos si in diebus festis, aut ieiuniis populo indicendis errauerit, 30. solidis, si quidem id inter Anglos euenerit, mulctator: sin idem in Dacis acciderit, sesquimarcam pendito. Sacerdos si ad dies in hoc condictos oleum non pararit sacrosanctum, aut baptisma, cum vsus fuerit, denegarit, inter Anglos mulctator, in Dacis autem legis violatæ pœnas luito, oras nimirum duodenas numerato. Si quis sacris initiatus capitale quidquam perpetrarit, capitor, vt tandem episcopo criminis admissi pœnas dependat.

## IV.

Præterea autem sapientibus visum est, vt qui fœdo se polluerint incestu, eorum qui fuerit superior rex habeat, inferiorem episcopus, ni citius cumulate Deo & hominibus compensarint, & quod fuerit eis ab episcopo indictum, confecerint. Si duo fratres germani, aliive sanguinis necessitate iuncti cum vna eademque vxore rem habuerint, capitis æstimatione, mulcta, aut legis violatæ pœna, prout æquum fuerit, ipsaque feret facti ratio, compensanto.

## V.

Si quis rei capitalis damnatus, sua ingenue sacerdoti peccata confiteri cupiuerit, id ei conceditor. Omnes autem studiose ac sedulo iura omnia diuina prouehunto, ita vt diuinam misericordiam consequantur, atque has a sapientibus irrogatas fontibus pœnas declinent.

## VI.

Dacus si decimas non dederit, legis violatæ pœnas soluito, Anglus mulctator: Dacus si debitum Romæ num-

num retinuerit, legis violatæ pœnam subito, Anglus multa afficitur. Dacorum quisquam si ad candelas nummum non dederit, iuris violati pœnas luito, Anglus plectitur. Dacus si iustam nomine aratri eleemosynam non soluerit, ruptæ legis pœnam dependito, Anglo autem, si quid delinquitur, multa irrogator. Dacus si iura, aut officia quæcumque diuina supprefferit, aut retinuerit, legis violatæ pœnam dependito, Anglus multator. Si quis contumaciter obsistendo alium iura atque officia diuina petentem vulnerarit, capitale esto: Sin mortem obtulerit, ab omni legis patrocínio destitutus habetor, eumque omnes iustitiæ cultores vel inuitum ac læsum capiunt. Atque si eum suapte culpa iuri diuino aut regio se opponentem morte occubuisse liquido confirmetur, propterea ne quidquam penditor.

VII.

Dacus si die dominico quidquam fuerit mercatus, re ipsa, & oris præterea duodecim multator, Anglus 30. solidos numerato. Liber si die quocumque festo operis quidquam fecerit, aut seruituti subiaceret, aut multam, legisque violatæ pœnam dependito: seruus vapulato, aut precio virgarum metum redimito. Dacus si seruo suo inuito opus addixerit die quocumque festo, rupti iuris pœnam dato, Anglus multa afficitur.

VIII.

Liber si indictum ieiunium cibo sumpto dissoluerit, & multa, & ipsa legis violatæ pœna plectitur, seruus vapulato, aut precio redimito.

IX.

Porro autem festis diebus omnibus, & legitimis ieiuniis ordalium nullus ingreditor, neve ad iusiurandum addictor. Dacorum si quis contra fecerit, legis violatæ pœnas dato, Anglus multa plectitur.

Nemo, quoad eius fieri poterit, cuiuscumque sceleris admitti conscius, die dominico morti obiicitur, verum comprehensus, vsque dum dies festus transierit, tenetor.

X.

Si cui membrum corporis sceleris admitti causa præcitur, isque tres noctes superstes fuerit, quisque deinceps

impune, impetrata tamen ab episcopo venia, aut eius vulneri medicinam, aut animo consolationem adhibeat.

## XI.

Sagæ, ariolantes mulierculæ, periuriosæ, pestiferæ, & meretrices foedæ, ac flagitiosæ, sicubi deprehendantur, a finibus regni, vt pura & integra plebs sit, relegentur, aut in regno, ni ab illa mente destiterint, & accumulatiuè compensarint, male pereunto.

## XII.

Si quis sacris initiatus, incolave, in iis quæ ad fortunas, vitamve eius spectarint, decipiatur, tum ei nationis illius rex, aut satrapes & episcopus loco cognatorum, & patroni sunt, ni is aliunde habuerit. Fraudator vero, prout feret maleficii ratio, Deo & regi satisfacito, aut graues, qui est regionis illius princeps, sceleris admissi pœnas repetito,

*Desiderantur nonnulla.*



## CONCILIVM TROSLEIANVM

APVD TROSLEIVM IN PAGO SVESSONICO  
ab Heriueo Rhemenfi archiepiscopo, eiusque suffraganeis celebratum die VI. Kalendas Iulias, anno Christi DCCCCIX. Sergii papæ III. anno II. Caroli Simplicis regis XVII.

ANNO  
CHRISTI  
909.

## TITVLI CAPITVLORVM.

- |  |  |
|--|--|
| I. De honore & cultu ecclesiarum Dei.                                  | ptiis, & incestis.   |
| II. De statu regni, & fidelitate regis.                                | IX. De accessu, & frequentatione, ac cohabitatione presbyterorum & clericorum cum feminis. |
| III. De regulari statu iam pene lapsò.                                 | X. De fugiendo luxuriam.   |
| IV. De sacrilegis, & eorum damnatione.                                 | XI. De periuriis cohibendis.   |
| V. De vexatione, & inhonoratione sacerdotum.                           | XII. De discordantibus, iracundis, & litigiosis.   |
| VI. De dotibus & decimis ecclesiarum, & de censu pro eis non exigendo. | XIII. De homicidiis & mendaciis.   |
| VII. De rapinis.   | XIV. De non diripiendis ecclesiis rebus defuncto episcopo.                                 |
| VIII. De raptis, & occultis nu-  | XV. Epilogus ad episcopos, & generaliter ad omnes.   |